


471

G


42



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
471 G 42







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
471 G 42



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
471 G 42



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
471 G 42









*Th. B. G. 1712*  
*kw 471*  
*942*  
R E R U M

LEODIENSIVM

STATVS.

HAGÆ COMITIS,

---

Apud *Michaelem Stael*, & *Iohannem Breeckvelt*, Typo-  
graphos, prope Carcerem, M.DC. L.




## LECTORI.

**R***Es Leodiensium anno unico gestas brevi compedio includi, Lector non mirabitur, si tempus inspexerit: si molem in annales referri, meritò requiret. Eos certè varietate, transitu, & magnitudine rerum, quæ in plures annos sæpè non caderent, impleverint. Quas breviter sine irâ & studio notare, scribenti suffecerit, quod veritas à calumniâ inter infensos, ab assentatione inter obnoxios vindicetur.*



# RERVM LEODINENSIVM STATVS.



Post ejectionem Plebiscitis Civitate Leodienſi Supremæ Juſtitia Tribunal, & uſurpatam impunè à Conſulibus, & Plebe, Principis & Epiſcopi ſui juſdictionem, ac arrogatum in Cives per ſeditionem juſ vitæ & necis, rebellionis complementum fuerat, anno ſuperiori ipſo Divi Laurentii die Principi quaſlibet conditiones pacis offerenti occluſæ portæ Civitatis, adjectis tormentorum, ſi propiùs acceſſiſſet, in ejus perſonam directorum, & explodendorum minis, cùm FERDINANDUS *Bavariæ Dux, Princeps Elector, Epiſcopus & Princeps Leodiensis*, ex hoc itinere Leodium verſus, Viſetum redux, non omiſſa Clementiæ ſuæ in ſubditos contumaces lenitate, Convocatis Epiſcopatus ſui in eodem Oppido, ac dein Huenſi Ordinibus, eorum mentem & conſilia exquiſivit, atque omnes componendorum tumultuum modos ab iſdem ſibi proponi paſſus eſt, quod Patriæ Leodiensiquietem, & Civitati ad obſequium revocata tranquillitatem redderet : quibus à factione Civitatem Leodiensẽ occupante ſpretis, & Principis ſui clementiâ, atque Ordinum Leodiensium interceſſione inſuper habitis, quod unicum & leniſſimum è præſentibus ſupererat remedium, Tribunal Supremæ Juſtitia Leodio ejectionem, atque cætera Tribunalia ejus exemplo in Oppido Huenſi de Statuum ſuorum conſenſu collocavit, atque Capitulum Cathedralẽ, cui, Principi æquè, ac Epiſcopo per vim Leodii intereſſe non licuerat, in idem Oppidum evocavit. La-

tus dato poenitentiae spatio, ac Civitate sibi ipsi relictâ, & per justitiae exilium solitudinem suam agnoscente, rediturum fortè subditis amorem obsequii. Sed subsequenter temporum injuriis patuit mansuetudine & clementiâ Principis firmari rebellionis animos nonnullorum è Capitulo Leodii reliquorum, & Evocationi Capituli Cathedralis totis viribus obsistentium consiliis, titulo, & auctoritate subnixos. Nam Consules & Jurati Leodienses, Justitiae supremæ & reliquorum Tribunalium exilium in augendæ potestatis occasionem rapientes, jurisdictionem promiscuè sibi in Nobiles, imò & Clericos, ac cæteros totius Episcopatus subditos arrogarunt, executionem judiciorum per Judices & Status à Principe Humo evocatos, armis uli sunt, atque conscriptis pluribus militum turmis, cædibus innocentium, & rapinis bonorum, ac fortunarum eorum, quos Urbe ejecerant, infesta omnia tam intrâ, quàm extrâ Urbem fecêre: jactatam aleâ, & calcatâ passim, & publicè Principis sui reverentiâ, populationes in dies alias agrorum, everfiones Castellorum, & Urbium obsidiones citrà dubium ausuri, pluribus aliis fortunam speculantibus, & animos ex eventu sumpturis. Quibus omnibus atrocissimis injuriis per inauditam calumniam in Principis famam & mansuetudinem confictis, quasi is, illo quo Leodium ingredi destinârat die, vitæ Consulium insidiatus esset, aliisque ejusmodi commentis velitabantur, periculum quod ipsi Principi fecerant sibi factum comminiscens. Ius armorum etiam Consulari, & Plebeïæ auctoritati proprium esse independentè à qualibet potestate, sparsis in plebem, & quoquo versum transmissis libellis eodem tempore evulgârant, cum priùs in ipso Imperii, atque aded totius orbis Christiani confessu, Monasterii Westphalorum per Delegatos suos fidem Cæsari, & Imperio exuere tentâssent, cujus



jus nonnisi temporariam protectionem, & pro arbitrio Leodienſium mutabilem, ac pro tempore ſæpius mutatam ſolum agnoverant, ad extrema alia quæque præcipites, ad quæ facilè ab ejusmodi voto tranſitur.

His in tumultibus Ægidius à Bocholt Decanus Leodienſis evocationi Capituli Cathedralis obſiſtentium caput, ex vulnere femoris caſu inſiſti hoc anno 1649. mortuus, electionis alterius ad eam dignitatem locum fecerat, nec dubitatum quin Capitulum Cathedrale Hui ex Evocatione reſidens majore et ſaniore Canoniorum parte conſtans, in electionem MAXIMILIANI HENRICI *Bavariæ Ducis, ac Coloniensis Coadjutoris*, unanimi conſenſione tranſiret; diſſidentibus ſolum aliquot Canoniciſ Leodii reſiduis, et quod Plebs juberet inclinaturis. Huic verò Arnoldus à Lee-raedt delegatione illâ Monaſterienſi partibus commendatus in oculis erat, cui nonnulli ii Canonici hâc contemplatione Decanatus ſpeciem obtulerunt, non minori electi quàm eligentium ludibrio acceptatam. Delegati interim Baro de Feuffe Archidiaconus Hannoniæ, et Joannes Baro ab Eynatten Prepoſitus Aquenſis et Kerpenſis, Canonici Leodienſes ad Principem Maximilianum Henricum Coadjutorem Coloniensem, qui factam viâ Sancti Spiritus Electionem de ejus perſonâ in Decanum Leodiensem referrent, ac voluntatem ejus ſuper acceptatione exquirerent. Quem et Decanatum acceptare, et Huum verſus, ob Sereniſſimi Principis Patruſ ſui, et propriam etiam in Eccleſiam Leodiensem curam et ſollicitudinem iter adornare, brevi poſt patuit, quod octavâ menſis Julii anni hujus à Comite Itelio de Merode, et obviis aliis Nobilibus, ac ſexcentis Condroſiſ ad Vrtam fluviũ prius exceptus, et deductus, magnâ futuri ſpe pervenit. Ac primũ quidem expoſitiſ ab eo Episcopii et Principis Leodiensis mandatiſ, indiſtiſque Co-

mitiis Statuum Patriæ Leodiensis demonstratum fuit, statutum Principi esse, ut quandoquidem tentatæ hæcenus Clementiæ rationes, & molliora Ordinum consilia frustra fuissent, factas sibi, Ecclesiæ, et toti denique Patriæ injurias armis vindicare: et ab imminentibus in dies majoribus periculis illam asserere, factâ tamen etiam tum quibuscumque præteritorum gratiâ, si ab aliquot perditorum hominum et rebellium causâ, suam segregarent, quam in rem Mandata Principis nomine typis data, quæ ejus voluntatem singulis manifestam facerent, sed hæc ad aliquot tempus non evulgata, donec copiæ militares ad expeditionem destinatæ advenissent, sparsi enim in castris rumores, et libelli ad avertendum militem quasi specie Leodiensis expeditionis, ad Hispanorum signa raperetur, remoram injecerant, ne Rhenum die destinato transiret, quibus non citra difficultates, et plurium dierum jacturam discussis, aliquot equitum ac peditum legiones sub Gratzio et Schroetz Tribunis militum, ultimo horum ut ejusdem gentis, genii incolarum et locorum perito duce, Mosam ad Visetum pertranseuntes Castrum de Liers, medio ab urbe Leodiensi milliari, in Hasbaniâ occupavere, quo una cum adjacente Pago operibus militaribus adversus Leodiensium eruptiones permunito, interclusus ab eâ parte Civitatis Leodiensis aditus, quem ut arctiorem faceret Maximilianus Princeps, Castra de Grandaaz, & Oupey præfidiis etiam militum insideri jusserat, nam & hoc consilio id prætereâ utilitatis accefferat, quod comitatus Viseto tutiori itinere in Castra de Liers deferrentur, nihil interim unde quaque à præfato Principe omissum, quod minori subditorum detrimento, ad obsequium Principis sui rediret Civitas. Nam & advenientibus copiis de annonâ providerat, & N. de Hautpenne Arcis Dionantensis Præfectum, ac postea Joannem Tabollet Canonicum Leodiensem, & Vice-



Vicecomitem de Looz ad exercitum ablegaverat, qui advigilarent, ut quàm minimum damni ab eo Patriæ incolæ paterentur, et de annonâ, aliisque necessariis in dies militi suppeditandis curam susciperent, simulque mandata Principis, quibus omnes et singulos paucis exceptis in gratiam se recipere testabatur, Leodii, et in Pomerio, ac circumvicinis pagis publicari curaverat.

Hoc rerum statu 25. dies Iulii Divo Jacobo sacra Comitii Consularibus Leodiensium sollemnis, spem nonnullis fecerat, motus alicujus in Civitate ab iis, qui Patriæ quietem vellent, copiarum militarium subsidio è propinquo fortè usuris, nam & mutatio Consulum occasionem præbere videbatur, oportuno magnis conatibus transitu rerum, in quam intentus Tribunus Scroetz copias instructâ acie munitionibus suis in conspectum Civitatis eduxerat, in quas crebris ex Vrbe tormentorum ejaculationibus fortè accidit, ut quinque equi, & duo equites uno ictu discerpti interirent, nullâ aliâ militum clade, nam & qui Vrbe eruperant, ita repressi, ut terrorem totâ Vrbe spargerent. Sed militibus castra sua repetentibus, nec enim Urbem invadendi consilium fuerat, Electi in Consules Boüille, & Hennet defungentis Consulatu Frater, Peractis Comitii, plebs quasi militem retrocedere coëgisset, triumphabunda caput semilacerum unius ex militibus, ut jactabat, patibulo in foro affixit, quod barbaræ feritatis specimen, commilitonum animos effervit in vindictam violatum etiam in justo hoste jus gentium meritò conquerentium; Clementiæ insuper Principis, & mandatis ejus gratiam offerentibus illudum, adnitentibus maxime iis, qui conscientia judice hac se exclusos reputantes, generali aliquorum sequacium quinque, aut sex Consulum nomine in mandato Principis 28. Junii enuntiato, commune omnium qui arma anno 1646. in Comitii Consularibus sump-



sumpſiſſent periculum eſſe, ſocietate multitudinis & culpæ  
tutiores perſuadere nitebantur, & jam quatuor Parochiæ  
Sancti Remacii, Iupille, Fleron, & Chainée, Civitati Ger-  
maniam verſus adjacentes, ſpe redeundi in gratiam, cujus  
ſpeciem præbuerant, projectâ, arma pro Conſulibus indue-  
rent, & alii ad Moſæ ripam Leodium & Huum inter Pagi in  
Leucâ Bannali ut vocant ſiti, palam à Leodienſium partibus  
ſtabant, & eâ quidem feritate, ut unum exulum vicina Op-  
pido Huenſi loca obambulantem in Urbis & Arcis, atque  
aded Principis ipſius conſpectu, ex inſidiis inermem glande  
plumbeâ tranſverberatum conficerent. Crebris indè ex Vrbe  
Leodienſi eruptionibus licet infauctis, & cum aliquâ ſem-  
per erumpentium clade, contumaciam in dies majorem  
teſtabatur factio Leodii inſidens, ſubſidiorum ſpe ſuſtenta-  
tâ, quæ in proximo adeſſe credulæ plebi obtrudebat, & quo-  
rum accelerationem ut urgeret, Perot unus ex priori anno in  
Galliam Delegatis eam verſus diſceſſerat: cujus miſſio Ba-  
rone de Wagnee Ducatus Bullionenſis Gubernatore in Gal-  
liam præmiſſo, mandatam a Principe provinciam oportu-  
nè & ſummâ cum laude apud Regem & Reginam Galliæ  
explente, & non intermiſſâ Principis Maximiliani curâ fu-  
turi ſucceſſus fortunam premente fruſtrâ fuit. Cùm igitur tot  
Clementiæ ſuæ argumentis, dein Capituli Cathedralis &  
Tribunalium Leodio Huum evocatione, poſtremò ſub-  
miſſis exiguis copiis, quo animum & munimentum fide-  
lis ſubditis qui Leodii reſtare dicebantur adderet, nihil ad  
ſummam rerum Princeps promoveret, Spaar caſtrorum  
Præfectum Generalem ad expeditionem deſtinavit: Quem  
ut adventare Princeps Maximilianus accepit, aſſumpto Ba-  
rone de Feuſſe 8. Auguſti Tongros primùm, dein Viſe-  
tum poſtridie tendens, ac præmiſſo Tabollet Canonico  
Leodienſi, adjunctisque Gratzio, Schroets, ac Voes Tri-  
bunis



bunis militum, cum Generali Spaar consilium habuit, cuius ea fuit sententia, ut Tribuno Gratzio trecentos equites copiis Spaar conjungente, reliquis Tribuni Voës curæ & imperio cis Mosam relictis, ipse Præfectus Generalis Spaar quatuor supradictarum Parochiarum animos tentaret; Expedito consilio Princeps non interruptâ rerum cursû Tongros reversus, & 11. Augusti indè discedens, admissis prius ad alloquium Comitibus de Gleen & Lamboy, aliisque Nobilibus, Huum discessit, quo in itinere, fumantia procul ædificia Pagorum Fleron & Iupille, Generalis Spaar Expeditionem prænuntiabant: cùm enim tubicinem, & tympanistam iteratò præmisisset, qui denuntiaret nihil hostile tentaturum, si manifestam Principis sui clementiam experiri vellent, nec seditiosorum et rebellium aliquot parbus, usque ad perniciem adhærere, & commentis fidem adhibere quæ tertiâ Augusti testata Principis voluntas, sequacium nomine non comprehendendi nisi paucos, & atrocissimorum criminum Reos, & præteritorum omnium in Festo *Sacri Jacobi* anno 1946. quatuor Parochiis, aliisque gratiam fieri, sat superque discuteret, eos non maledictis solùm, sed & bombardarum ictibus incessentes, colloquio arcuerunt, undè disposito ad pugnam exercitu, qui ante discrimen insolentissimi fuerant, vix excepto certamine, post explosos aliquot bombardarum ictus, Pago de Fleron igne per milites injecto, & eorum impetu pulsi, locum deseruere; nec consortum exemplo territi Iupilienses, sed obfirmati adventu Consulis Hennet cum selecta militum Leodiensium manu, locum naturâ munitum, & nonnisi per anfractus et angustos colles, ac viarum meatus in declivi vix accessibilem, adversus vim ingruentem tuebantur: sed explorato à locorum peritis, quorum plerique militum manipulis se inseruerant accessu, dispositisque aliquot in Pagum tormentis, et ternis ejaculationibus



nibus signo pugnae dato, concursum ingenti militum ac exul-  
lum ardore, at non paribus animis, ab Incolis Iupiliensibus, &  
Leodiensibus excepti: Vix enim quindecim e Iupiliensibus  
caesis, igne totum Pagum eodem tempore corripiente, an-  
cipiti malo distracti, foeda undequaque fuga salutem quaer-  
ere, ac ii quidem, qui Mosam Herstalium versus flexe-  
runt, incolumes evadere; Milites vero Leodienses dum per  
campos vulgo Droixhe nominatos, inter frequentes perti-  
carum Iupulis sustentandis, quibus confiti sunt latebras, eo-  
que tutiores (ut rebantur) Leodium repetunt, in equitatum  
a Praefecto Generali Spaar eo praemissum inciderunt, a quo  
magna & haud minus quadringentorum strage deleti, pau-  
cis admodum fuga elapsis, in conspectu Civitatis fundun-  
tur, ac ipse Consul Hennem dum relicto equo in ipsius Pagi  
Iupiliensis angustiis, & occultiori aditu salutem quaerit a  
militibus deprehensus interimitur, cujus clavis argentea  
Consulatus insignis Principi Maximiliano Huum transmissa  
brevis tradenda in manus ejus Civitatis argumentum erat.  
Memorabilis haec Leodiensium & Iupiliensium clades, non  
solum Consulis caede, sed quod postridie Divi Laurentii  
accepta anno vertente quo PRINCIPi suo Leodienses portas  
occluserant, & Iupilienses primi campanarum sonitu ad  
arma in advenientem Principem concitati, hostilia tum  
induerant, rebellibus divinae vindictae exemplum futuri.  
Perculerat illa Civitatis animos, unde prona & in proclivi  
victoribus omnia fuere. Hinc aliquot militum praesidio in  
castro de Fain supra Iupiliam Leodium versus relicto, ad  
Carthusianum Monasterium mota castra, quod etsi a Leo-  
diensium copiis insideri fama ferret, destitutum tamen, &  
primo occupantis esse apparuit, hoc ex loco Generalis Spaar,  
& Tribanus Schroets Urbem e propinquo speculantes, tor-  
menta quaedam in eam direxere, & ignitos globos nonnulla  
aedificiorum

ædificiorum strage, & majore metu injecto, Vrbi immiserunt, continuè tormentorum ictibus ex Vrbe, & aliquorum etiam clade vicissim impetiti. Indè irruptione à militibus factâ circa Ecclesiam Sancti Remacii, & ad portam amari cordis subjacentis suburbii vastatæ & incensæ domus ac pagus de Chainée victorum leges accepit, ac vulgò creditum, si majore impetu, nec intermisso recentis victoriæ cursu perculsis Spaar institisset, Civitatis ultrâ Mosam partem in potestatem Principis deditione venturam fuisse, quod & postea patuit, cum interrupto ponte ligneo, quo Civitas suburbio cohærebat, terrorem male tegerent; sed antequam id Spaar Præfecto Generali notum fuisset, Carthusiam deseruerat, credens locum Vrbi aded vicinum nonnisi numeroso præsidio, & adversus tormentorum bellicorum vim defendi ægrè posse, cum Carthusiam muri modicæ altitudinis clauderent, privatæ vi arcendæ, non per artem obliqui, aut introrsus sinuati, ut latera oppugnantium ad ictus patefcerent, & operibus molibusque non firmati murales & fulminatrices machinas haud sustinerent. Desertum Carthusiæ locum statim Leodienses occupaverunt, ac avectâ indè omni annonâ, quæ numerosa pluribus ad longum tempus suffecisset, caritatem in Vrbe non parum sublevavêre, ac quasi Principis exercitum indè pepulissent, magnificè de se, & rebus suis in Galliam & undequaque scripsêre crebris explosionibus ex Civitate id effectum, ut tormentorum Generalis Spaar rotis effractis inutiles ejus conatus redderentur, ac deindè reductis in Urbem captivis aliquot Hispanis, satis detectum fuisse, quorum potentiâ urgerentur; quod falsissimum, & inauditæ calumniæ commentum, cum Hispanos in castris Principis nunquam visos in comperto esset, invidiæ concitandæ & provocandi in Principem, & Patriam Leodiensem Gallia arma, inventum patuit; ut quia



anno 1646. in Comitibus Consularibus ejusmodi falsissimo  
commento, quo Hispanis domum Civicam plenam fuisse  
Trajectensibus vicinis imposuerant, foelix tum temporis  
eorum scelus, parem & foelicem eventum etiam ex pronâ  
aliorum credulitate nancisceretur. Sed aliter Deo innocen-  
tiæ & veritatis assertori visum, & ut non diuturnâ hæc  
lætitia Leodiensibus esset: Princeps enim Maximilianus in  
divertenda noxia, & benè agendi promovendas occasiones  
attentus, ad castrum de Seraing in Hasbaniâ situm duobus  
ab Vrbe Huenfi miliaribus, 16. Angusti se contulit, atque  
ibidem convocato Concilio bellico, præsentè Generali  
Spaar, Tribuno Schroets, potissimisquæ Ducibus, ac Ba-  
rone de Feuffe Archidiacono Hannoniæ, resolutum fuit, ut  
suscepto per Tribunum Schroets aliquot turmarum equest-  
rium & pedestrium imperio, eas ad Carthusianorum Mo-  
nasterium reduceret; ducentorum selectorum è Condrosio,  
& totidem è Marchionatu Franchimontano copiis firman-  
das, intereà dum ipse Spaar ab hac Civitatis parte totum  
ejus pomerium, ac Leucam bannalem, ut vocant, ad obse-  
quium reduceret; faciliorem jam ad accipienda imperia,  
cladis Jupiliensis exemplo, & terrore, quo perculsi plerique  
etiam ipsis Civitatis moenibus imminentes, Principis pro-  
tectionem implorârunt, ac redactâ ad obsequium Leucâ  
bannalivim ipsi Ciuitati intentaret, quem in finem ante-  
quam castro de Seraing excederet Princeps Prefectis Co-  
mitatus Mohani, Hasbaniæ, & districtus Flandrici scrip-  
sit, ut tertiam rusticæ militiæ partem triduo alternis reno-  
vandam præfato Generali submitterent, quod eorum operâ in  
moliendis, & tuendis aggeribus, tormentorum suggestis  
struendis, loricis vimineis texendis, & fossionibus in oppug-  
nandâ Ciuitate uteretur. Ac quidem Tribunus Schroets  
transmisso Mosâ cum attributis copiis susceptâ provinciam  
impigrè

impigrè executus Carthusianorum Monasterium à Leodiensibus desertum adventu suo recuperavit, & mille è Marchionaru Franchimontano validâ manu Barone de Linden, provinciæ istius Præfecto duce auctus, Urbem eâ ex parte obsedit, Ac Comes Itelius de Merode cum sexcentis Condrosiis reliquis ad tuendæ provinciæ aditus destinatis, & in vices præfati Comitibus de Merode ductu invicem succedentibus, & Baro de Merode Arcis & Urbis Huenfis Præfectus, cum aliquot militibus è præsidio deductis, Castrum de Kicquepois prope Urte fluminis, sub ponte de Chainee Vesdrâ fluvio mixti, in Mosam confluentiam occupârunt. Dum interim Princeps magnam pulveris tormentarii vim, furium incendiariorum, globorum ferreorum, & plumbeorum copiam, equos vehendis tormentis majoribus, & commeatui militari necessarios, indefessâ sollicitudine undique comparari & conquiri jubet, ac Præfecto Generali Spaar submittit, et ultra sex septemvé tormenta, unâ cum eo & Tribunis Gratzio et Schroets ex Germaniâ advecta, aliquot alia ex Castro Huenfi, ac duo majora mnralia cum brevioribus tormentis, globorum igneorum ignivomis, Præfecto exercitus ad manum esse curat.

Intereâ dum hæc aguntur, Du Iardin unus ex Delegatis in Galliam anno superiore, & Commissarius Rolandi petitis nomine Civitatis, & à Principis benignitate impetratis commeatibus litteris, 18. Augusti Huum venêre, ac propositionum Principi faciendarum Baroni de Groesbeeck Condrosii Archidiacono, & Episcopi ac Principis Leodienfis Cancellario priûs factâ copiâ, etsi appareret eorum iniquitati Principem assentire non posse, publicè auditi fuêre. Earum hæc summa fuit, ut ab actibus hostilibus cessaretur, & militares turmæ Leucâ bannali excederent, atque de mediatoribus (ut ajebant) Fidejussoribus, & Delegatis, ac loco,



ad transactionem pro Civitatis & Patriæ salute ex æquo componendam conveniretur, Responsio verò Principis scripto, & typis data in hunc modum fuit. Nihil hostile à se tentatum agnoscere; militum castra Principis imperio circà Civitatem, eidem imminetia, illicitis in personam, Justitiam, ejus ministros, & fideles subditos, attentatis, esse imputanda: finem armorum eum esse, ut hæc, & ii pace & tranquillitate publicâ restituantur. Objectum verò non aliud, quàm ut subditi rebelles, & non justii hostes, aut tales, in quos hostilium actuum consideratio cadere queat, ad officium redire cogantur; Cærerum id Principi in votis esse, ut turmæ militares non Leucâ bannali solùm, sed totâ Patriâ excedant, idque à Principis clementiâ Civitatem prompto obsequio impetrare posse, quamdiu contumaciâ & rebellionem certaret, non sperandum, Principis clementiam, & propensum in amicas transactiones solido fundamento, & certâ fide stabiliendas animum, præteritorum temporum rationes Civitati, et singulis testari, cujus verba & subsignationem fide Principis munita cautioni Fidejussoriæ sufficere, arbitrari debuerint: sed quia tam projecta fuerit Magistratui Principis sui auctoritas, ut venienti turbata componendi animo, portas occluserint, non aliam Principi Maximiliano Henrico Coadjutori Coloniensi relictam transigendi potestatem, quam nisi in antecessum reparationis injuriæ, et cautionis loco, ipsi porta Civitatis ad Sanctam Walburgem pateat, tractatui et securitati dandæ, ne eo tempore ulla vis inferatur, oportuna. Eodem pœnè tempore 17. nempe Augusti in eandem etiam sententiam Archistrategus Spaar Consulibus rescripserat, occasione litterarum eorum nomine, Tribuno Schroets redditarum, quibus mirari se ajebant, quo impulsu ipse gente Leodiensis, bellum illis inferret, et Henneet Consulem legitimè electum, captivum retineret: causam,



causam et finem tam funestorum consiliorum exquirentes, quod Principibus, et Statibus vicinis innotesceret, quam adversis Neutralitati privilegiis, et immunitatibus, agendi modis, agerentur. Quibus Archistrategus ex commissa sibi provinciâ nomine Tribuni Schroets responderat, exclusum portis Civitatis, et paternæ clementiæ ultro oblati officiis Principem ad arma actum, eorum sibi curam demandasse, Jupilienses, aliosque amicos per Tubicines, et Tympanistas insuper monitos, convitia, et scloporum ictus rependisse. Concursum denique facto et cæso Consule, victricem et bonam causam Deo placuisse. Cæterum ab eo tempore armis nonnihil temperatum, ut hoc exemplo saperent, et oblatâ Principis etiamnum clementiâ uterentur, illâ insuper habitâ, eandem perniciem expectaturi; Deumque et Orbem testari, eorum malorum quæ acciderint funestos eventus contumaciæ suæ, et rebellionis imputaturos. Institerant etiam Leodiensium Delegati, ut saltem tridui induciæ concederentur, aliàs cum ejusmodi Principis responso apud efferatos animos, ne ipsorum quidem vitam in tuto fore, sed ostensis litteris quibus supplicias urgebant, improperatum fuit, quâ fronte Principis exercitum amoveri, & inducias peterent, dum externam vim in auxilium molirentur, atque ita iis non diffidentibus petitio elisa. Interim igitur Spaar occupato Sancti Ægidii Coenobio in Monte sito; undè in Civitatem despectus dabatur, binis suggestis in subjectâ prati planitie structis, tormenta impo-  
suerat, quibus aditus Urbis ipsamque infestabat novis quotidie aggeribus rusticorum fossorum operâ adiutus, ad urbem propius accedebat, et Sancti Laurentii Suburbium versus, suburbanas ædes Scabini Libert Emaus nominatas, Scabini la Roche, aliasque amplas muris cinctas, ad Portam verò Aurotanam Suburbanam usque, totum illius regionis

gionis tractum 21. Augusti in potestatem suam redactum, retinebat. Ipso etiam Wilhelmitarum Cœnobio aquis cincto, & parvæ arcis instar ei dedito. Toto illo tempore plusquam ducentis ex Urbe tormentorum ictibus irritis, et nullius clade impetitus exercitus, crebrisque ex Urbe in omnem partem eruptionibus, infesta magis quàm noxia prælia Leodienses fecerant, et licet promotis aggeribus, et dispositis tormentis Cœnobium Wilhelmitarum è proquinquo verberarent, nullo tamen, aut levi detrimento. Rebus ita in oppugnationem paratis, et castris secundo eventu ad vicina Ubi loca promotis, Principi Maximiliano Henrico ab Archistratego Spaar scriptum, militibus fixum esse non ultrò progredi, nisi repræsentato mensis unius stipendio. Antiqua illa seditionibus militaribus materies, et eoquidem inopportunior, quod in armorum et obsidionis hujus apparatus distributa pecunia defecerat, Princeps tamen non intermissâ sollicitudine et quibusvis difficultatibus majore animo, conquisitâ, et parte stipendii militibus futuri spe sustentatis persolutâ, malo nascenti obviam iit. Sic anticipis fortuna temporis matura virtute correctâ. Huum interim impetrato commeatu Stravius Episcopi Leodiensis Suffraganeus (ut vocant) 25. Augusti Principem in Arce Huenfi adierat nomine Cleri, ejus discrimen, et desperata Leodienfium consilia novos Dominos potius invocandi, quàm ut se, suaque Principis arbitrio permitterent, denuntians. Quo humaniter accepto et dimisso post beneficam animi inclementiam propensi significationem, si quâ ratione ad obsequium Leodienses flecti possent, ostentatâque etiam in extremis gratiæ spe, ad urgendam oppugnationem animum vertit, nam & auxiliares copias in procinctu esse rumor constans vulgaverat, & certis auctoribus Principi innotuerat, Principibus in Galliâ viris de rebus Leodienfium magnifica,



gnifica, & ipsis in gloriam cessura, licet conficta, & non ex vero obtendi factiosorum nomine, quo suppetias elicerent. Nuntiabant alii missos etiam ad Foederatos Belgii Ordines, qui speciosis promissis subsidia molirentur, & quanquam Principi fides non fieret ex Gallia hostile quidpiam sibi metuendum, cum novissimi Foederis Germanici Lex Christianissimum Regem inter & Imperium, adedque etiam Serenissimam Domum Bavaricam, & ex ea, aliosque Principes, contrarium sponderet, mutuam nempe amicitiam, & nihil vicissim in subditos utrimque, ac subjectas Provincias tentaturos, aufurosvè, nec verò simile esset, Fœdus licet nondum conclusum, ruptâ tam manifestò fide velle infringi, etsi aliæ etiam forent potentissimorum Belgii Ordinum rationes, quàm ut perditorum aliquot hominum ergò, nullis aliis de causis quam licentiæ libidine, in turbas ruentium, Principis amici, & pluribus Provinciis vicini, ad arma ægrè compulsi, & à subditis provocati rebus officerent; Princeps tamen modò nihil spernendum, modò non omnia metuenda, secum reputans, instandum cœptis urgebat. Hinc Archistrategus Spaar structo in Sancti Laurentii Cœnobium suggesto, cui murales aliquot machinas in id direxerat, post continuatam diei & ampliùs quaffationem, editâ muri ex solido lapide structi latè ruina, insultum in eam, & insuper ex parte Monasterii portis adversâ, propugnantibus ancipiti aggressione distractis, fieri iussit, & aliquâ militum primò invadentium clade expugnavit, diffugientibus plerisque præfidiariorum quos sexcentos numero Monasterium infedisse relatum fuerat, propinquo, eoque facili per averfam portam, & vineta adjacentia ac calles extraneis incognitos in urbem suffugio.

Hoc Monasterio ictu sclopi à mœnibus Urbis dissito, & procul visentibus arcis ipsi Civitati connexæ, speciem præ-

C

bente



bente occupato, tempus à 27. Augusti sub vesperam in 29<sup>am</sup>. quò Civitas dedita, brevibus 24. horarum induciis, & promotò poene usque ad ipsa mœnia accessu, paratisque ac dispositis ad stragem mœnium male cohærentium tormentis, & impetum in Civitatem dandum, insumptum fuit, quo tandem die, videlicet 29. Augusti Dominicâ & Decollatione Sancti Ioannis insignitâ, Tribunus Schroets unâ cum Barone de Linden, dedito primùm iis vicino Urbi aggere, quem Cives in Suburbio adversus vim ingruentem struxerant, dein in Urbem ultra Mosam admissus, impositis Portæ ac Ponti amari cordis & imminenti propugnaculo præfidariis, atque datis obsidibus nihil per se salutem civium, rebus, & privilegiis noxæ futurum, factiosos turbaverat, aliundè jam percullos, nam conglobati cives Consulem Wanzoulle Pagi de Canne Dominum, & à militibus Leodiensibus propriâ domo è castello de Canne ex insidiis avulsum, & aliquot mensibus in Domo Civicâ manicis, pedicisque vinctum laxaverant, ipsumque Consulem Hennet occisi fratrem & portarum Principi suo in Consulatu occlusarum reum, ex fugâ retractum, iisdem compedibus induerant. Iam Bartholomæus Rolans ex acerrimis Principi obsistentium, & portarum eidem occludendarum auctoribus, fugæ comes, licet mentito habitu & militis Trajectensis speciem præ se ferens, deprehensus in Archistrategi Spaar potestate & vinctus erat, cum Consul Boüille & Consilium Civicum per Consulem Iamart, Soumagne Jurisconsultum, & Stockem & Beckers Mercatores ad dedendæ ex parte jam occupatæ Civitatis pacta ineunda, & conditiones impetrandas Archistrategum Spaar versus delegarunt, cum quo, & Tabollet Canonico Leodiensi in eas circa tertiam pomeridianam 29. Augusti conventum, ut salvis antiquis Civitatis privilegiis, & numero quinque aut sex Consulum quos ad poenam Princeps deposcebat,



poscebat; & gratiâ præteritorum aliis factâ exemerat, ad  
tres solùm reducto, porta Sancti Martini in ejus & militum  
manus traderetur: Sed tum nec Archistratego Spaar notum  
erat, partem Civitatis ultramosanam in Tribuni Schroets po-  
testatem venisse, & hîc ad utendum occasione, & victoriâ,  
cavendumque, nè quid benè cocepta interturbaret, intentus,  
& Mosâ intermedio quid ab alterâ parte ageretur non per-  
ceperat. Sic cum Civitatis Leodiensis seditionibus tandem  
transegit Princeps, & sollicitæ tot annorum Principatus  
sui curæ magnum diem imposuit. Hoc igitur rerum statu  
occupatis utrinque Amari Cordis, & Sancti Martini portis,  
missi pernicipibus equis ad Principem Coadjutorem Colo-  
niensem, qui victoriam & Civitatis deditionem nuntiarent.  
Quo nuntio sub noctem accepto, Huenſe Oppidum festi-  
vis ignibus collucere, & Castrum repetitis tormentorum  
bellicorum & bomborum fulminibus, scloporumque con-  
sonis ictibus ardere visum, non minori personantium, &  
aërem ferientium ac remugientium montium valliumque  
sono. Dein actis postridie 30. Augusti in Divæ Virginis  
Templo solemniterque decantatis gratiis, & misso ad Prin-  
cipem Electorem Domino de Monbeeck victoriæ nuntio,  
Concilio habito numerosâ Nobilitate stipatus, itineri se ac-  
cinxit. Ac primùm trecenti equites uno ab Urbe milliari  
per officium obvii fuere, deindè Consul Jamart ac Sou-  
magne quibus nomine Consul, & Concilii Principem  
deprecantibus, ut Urbem præsentîâ suâ honorare dignaretur,  
respondit, ut cras manè mentem suam percepturi  
adessent; postremò Archistrategus Spaar, aliis Ducibus  
comitatus, dein Baro de Linden & Tribunus Schroets in  
occursum venientes. Principem ad Monasterium Vallis  
Sancti Benedicti deduxere: postridie 31. Augusti prædictis  
Civitatis pridie Deputatis ibidem comparentibus, per Ge-  
neralem



neralem Præfectum Princeps denuntiari iussit, apertam  
quidem hesterno tractatu Sancti Martini portam, cæterum,  
quod etiam Hui factum voluerat, antè suum in Civitatem  
ingressum Sanctæ Walburgis portam in occlusæ anno su-  
periori Principi suo poenam in manus suas tradi velle, ut-  
que equitum, & peditum numero ad arbitrium & secu-  
ritatem stipatus, Civitatem ingrederetur. Quò per Depu-  
tatos Consulibus & Concilio Civitatis nuntiato, post res-  
ponsum juxta Principis mentem, eidem circà meridiem re-  
latum, itinere versus Ægidii montem instituto, quò agges-  
ses, accessus, & oppugnata ex eâ parte Urbis oportunita-  
tes dignosceret, Lantgravio Hassiæ Darmestadio, qui vi-  
ctoriam congratulaturus advenerat, turmisque Nobilium  
& militaribus circumcinctus, Civitatem Sancti Martini  
portâ eodem die circa quintam pomeridianam ingressus in  
Palatium acclamante plebe deductus est. Primâ Septem-  
bris Capitulum Cathedrale solemne quotannis eo die, juxta  
Principis Evocationem Hui convenit ad quadraginta qua-  
tuor auctum, affluentibus plerisque, aut per procuratores  
se sistentibus, qui ante Civitatem deditam Principi Evo-  
canti haud parverant. Quo habito Canonici Cathedrales  
3. Septembris, unâ cum Concilio Principis & supremâ  
Justitiâ navibus vecti Leodium appulere, quò die edicta  
Principis Maximiliani Henrici nomine, singulis, & ab Archi-  
stratego Spaar in milites publicata fuere, ut cuilibet Prin-  
cipis Electoris gratiâ non excepto, tutò ad sua redire, suis-  
que quietè frui, per milites aliosque liceret: sed cùm ab  
excursionibus & prædis agrè temperarent, Laurentium de  
Mean Scholasticum, & Tabollet Canonicos Leodienses,  
Comitem de Heers, & Baronem de Bocholtz Princeps  
delegavit, qui cum Commissario exercitus Nideken, aliis-  
que à Spaar Deputatis stativa designarent, assignatisque  
diariis



diariis milites à prædis agendis cohiberent. Post fœlicem hunc successum, & victoriam sine multo sanguine, Divino numine quasi largiente partam, multa nihilominus supererant, quæ incipientes ad Statum solidè stabiliendum Principis curas onerarent; cum enim neque quies Civitatis & Patriæ sine armis haberi potuisset, neque arma sine stipendiis, neque stipendia sine tributis, neque tributa sine subditorum onere haberi possent, fieri non poterat, quin insolita hæc plebi, tot annis seditionibus sine curâ mixtæ, questus elicerent. Vetus enim id erat in Urbe malum, ut magis sine Domino quàm in libertate, tributa aut vectigalia aspernarentur, & si quæ Princeps & Status Patriæ soluenda sanxisset, ea vel morarentur, vel abrogarent, vel nullâ ex parte oneribus tum adæquata paterentur. Indè crescentibus in annos singulos legitimis usuris, fors onerum aucta, etiamnum Civitatem & Ordines Patriæ premebat, indè continuata ab anno 1646. in Septembrem anni 1649. seditio, tributa Vifeti aut Hui decreta, vel eluserat, aut magnâ ex parte minuerat; Triennio interim illo decima proventuum ex singulis fundis, & redditibus annuis in Civitate Leodiensi, & totâ Leucæ bannalis circumquaque regione, pontis struendi titulo à factione Leodium occupante exacta: dein impositum singulis focus aut Caminis tributum, impensis in missiones Monasterium et Galliam destinatum. Extortæ acrius & pro arbitrio à singulis pecuniæ conscribendo in Principem militi, rapta aut vastata eorum quos Urbe ejecerant bona, interruptus commercii usus, & Lotharingorum militum ante messem anni hujus in Hasbaniam irruptio, Exercitæ in Ducatum Bulloniensem, et superius Condrosium, ac Provinciam à Mosâ & Sabi circumfluis cognominem, per Gallorum vicina præsidia repræsalix, arctiora cuncta in Urbe, et Patriâ Leodiensi fecerant, etiam antè



exercitus ad Urbis oppugnationem à Principe missi adven-  
tum. Accedebat his malis insolita annonæ hoc anno caritas,  
communi non solum Provinciæ hujus, sed Galliæ, et Belgij  
sterilitate, quasi solitas mortalibus fruges denegante coelo,  
quas in super belli inter utramque coronam vis corruperat,  
& peculiare civitati Leodiensi, ac circumiacentibus Pagis  
ex obsidione damnum, & agrorum ab exercitu vastitas, &  
solitudo. Fremebat interim miles Urbis poenè captæ præ-  
dam manibus sibi ereptam, quasi suo jure illam reposceret,  
deditæ autem, & sine sanguine servatæ ergò Ducibus mer-  
ces, & prompta stipendiorum repræsentatio militibus ne-  
gari non poterat, nec eorum in Germaniam dimissio quæ  
tamen urgebatur aliter sperari. Statuenda igitur eas ob cau-  
sas, & exigenda a Plebe & subditis recenti obsidione Urbis  
circumcircuita attritis tributa & vectigalia, tam quæ Hui Or-  
dines Patriæ decreverant, quàm nova, ex quibus tamen  
pecunia illicò militi solutionem urgenti repræsentari non  
poterat. Intendebant rei nummarie curam, litteræ tam  
Monasterio, quàm Norimbergâ à Deputatis Sacri Romani  
Imperii Electorum, Principum ac Statuum, Ordinibus  
Provinciæ Leodiensis scriptæ, & iteratæ D. Theodorici à  
Kleihen Reginae Sueciæ apud circulum Westphalicum  
Residentis, ejus ac Caroli Gustavi Comitis Palatini Rheni  
Suecicorum armorum per Germaniam Generalissimi nomi-  
ne Hui factæ propositiones, quibus 66133<sup>1</sup>/<sub>3</sub> daleros Impe-  
riales à Provinciâ Leodiensi, ex Tractatu Pacis Germaniæ,  
pro primo trium millionum solvendorum termino depo-  
scebat, reliquis duabus tertiis prædictæ summæ scilicet  
44088 daleris Imperialibus ad secundum solutionis termi-  
num reservatis, & insuper octo cohortum equitum, pro sex  
tum mensibus cessis, & in futurum, ut agebat, alimentatio-  
nem, additâ immittendi exercitus Suecici in Patriam Leo-  
dien-



diensem comminatione, si petita non præstarentur. Rejēctis ex parte Ordinum Leodiensium excusationibus, quibus iniquum videbatur, ut quæ à cæteris Imperii Provinciis in propriis bellis & periculis sublevata non esset Provincia, ad alieni belli & pacis in Imperio onera teneretur: cū etiam ardente bello Germaniæ, neutralitatis ac immunitatis suæ retinens, & neutri partium idē adhærens, pacem coluisset. Regerebant enim Imperii Delegati, & Sueciæ Coronæ Residens rem esse in Comitibus Imperialibus decisam generali Imperii bono, cujus Provincia Leodiensis pars esset, cessante bello neutralitatis considerationem non rectē obtendi, cū & tractatus Germanici Rex Galliæ fidejussor esset, & executiones ex pacto in eos qui moras traherent decernandas, conjunctis viribus urgere teneretur, ac denique quod innuebatur satis appareret, patiēda validiorum imperia, & majoribus malis, cū alia ratio non suppeteret, in tempore occurrendum. Quotam summæ etiam donativi Hassis dependendi, ut neutralitati vim non inferrent, à plerisque in Provinciâ Leodiensi non in solidum exsoluti, Civitas Leodiensis solitâ licentiâ rationibus publicis non intulerat. Has ob causas congregati in Urbe Hueni Provinciæ Leodiensis Ordines, certam pecuniæ quantitatem, in capita singulorum, ex conditione & fortunâ cujusque numerandam, ac sex insuper in singula cerevisiæ vasa stuferos, in vas vini, quod Amam vocant, duodecim florenos, atque Tallias (quo nomine istud tributi genus indigerant) colligendas decreverant. Dedita Civitas Leodiensis eandem etiam onerum legem subiit, addiditque in quadriennium decem stuferos in vas cerevisiæ, duodecim florenos in vas vini, sed privato Civitatis bono, & in rem eorum, qui pecuniā præerogaverant, ex quibus proindē nihil communi Statuum Provinciæ Leodiensis ærario accedebat. Qui nihilominus  
decem



decem illos stuferos, & duodecim florenos cerevisiæ, ac  
vino impositos, deinde sexagesimam evehendorum, &  
modicam pecuniæ quantitatem in capita animalium quæ  
consumerentur, ac denique quinquagesimam venalium  
tributis prioribus superaddiderunt, atque ut Civitas ex ce-  
revisiâ & vino tantundem publicis Statuum rationibus infer-  
ret, jus & fas esse arbitrantur. Ex his omnibus tributis, & ve-  
ctigalibus exiguus proventus in militum stipendia cedit, de-  
cem enim stufferi & duodecim floreni ex Civitatis vino & ce-  
revisiâ annuente Principe, ante omnia in restitutionem pe-  
cuniæ à Mercatoribus aliisque repræsentatæ, dimittendo  
militi, eorumque stipendiis persolvendis, ærarium Statuum  
Patriæ non auget, ex aliis quilibet Ordo tertiam sibi excipit,  
privatis cujusque Ordinis usibus & oneribus destinatam.  
Præsidia etiam arcium Patriæ & legationes, ex iis sustinendæ.  
Æs alienum a pluribus annis contractum, ingenti legitima-  
rum usurarum incremento, dissolvendum. Sexagesimæ,  
quinquagesimæ, ac animalium quæ consumuntur tributum,  
exiguus & fraudatis (ut ferme talia solent) procedit initiis, &  
incerti est proventus. Denique si singula hæc cumulaveris,  
quàm in levi habenda, si vicinorum populorum quæ re-  
gnantur, aut primorum & populi imperio reguntur, tribu-  
ta, indictiones, & vectigalia recensueris: quæ singula hæc  
induplum, in eadem specie excedunt, & alia nomina, &  
species insuper alias continent. Sed adfuetudine, patientiâ,  
& judicio tolerantur illa gentibus vicinis, privato eorum  
quidem incommodo, sed quod contrà singulos utilitate pu-  
blicâ rependitur, Leodiensibus insolita tributa, nisi exigua,  
terrorem & questus, aucta, licet oneribus non adæquata  
provocant. Hæc circà tributa, tam antè Principis Electro-  
ris Episcopi & Principis Leodiensis in Urbem suam Leo-  
dientem, quàm post ejus adventum gesta, conjungere vi-  
sum



sum fuit, ne pares origine et emolumento causae disjunctae Lectorem in incerto relinquerent. Antequam vero Princeps Elector Urbem ingrederetur, criminali judicio laesa Majestatis Consuli Hennem, & aliquot sociis ejusdem criminis dictato, a supremâ Justitiâ damnati erant, structo in foro ferali pegmate, in quo legionibus militum obfesso, Consul & bini alii, eodem die obtruncati, & Consulis caput conto praefixum portae Sancti Leonardi, quam in Consulatu Principi suo occluserat, juxta damnationis sententiam impositum. Eandem mortis imaginem in eodem foro & pegmate, post aliquam Archistrategi Spaar moram in eo dimittendo, aliquot post diebus Consul Rolans repraesentavit, cum plebs ab eo, dum in carcerem duceretur, manibus non nisi manu militari cohibita temperasset, similitudine quoque poenae, post mortem capite in Sancti Leonardi portâ hastae infixo, alteri non impar. Eâdem Princeps Elector Sancti Lamberti pervigilio, Principe Coadjutore qui Vifetum usque obviam processerat, Canonorum Leodiensium, Nobilium & Ducum ad pompam ornatorum numerosis Ordinibus stipatus, atque magno populi applausu Urbem ingressus, convocato Ordinum Provinciae Leodiensis coetu in rem praesentem de restituendo Statu, ac ejus subsidiis in posterum stabiliendis differuit. rogatusque exercitum in Germaniam remittere. Petitioni Ordinum bis mille peditibus, & 200. equitibus in Civitate & Suburbiiis loco praesidii retentis, assensit. Sed quaerenda imprimis, & apud omnes vestiganda pecunia fuit, persolvendo & dimittendo militi, quae sub cautione & usuris licet restituenda foret, ut supra demonstratum est, finistris rumoribus materiam dedit. Hâc acceptâ Archistrategus Spaar cum potissimis turmis Germaniam repetiit, & falsis istis sermonibus & nuntiis, quibus Principis fama

D

distr-



distrahebatur, quasi adversus Galliam illas destinaret (quod  
nè quidem illi in mentem venerat) fucum & larvam de-  
traxit, calumniandi certè ansam, etiam in re apertissimâ  
adimere non potuit apud eos qui magis volunt, quidquid  
de præsentis Leodiensium Statu dicitur, credere, quàm quia  
credenda adferuntur, & apud quos fictis, & è longinquo  
corruptis rumoribus, vicinorum odia provocare, occasio-  
nem nocendi fide potiore habere, fallereque, & frustrari  
sæculum, vocatur. Adjecit deindè Princeps Elector ani-  
mum Comitibus Consularibus reformandis, à quibus nempè  
tota mali labes profluxerat. Ac primùm Consuli Bouille  
Magistratûs munere permissio, additoque Consule Wan-  
zouille collegâ (cui ut olim Mario contigit, è vinculis ad  
Consulatum pervenisse.) Comitibus à tringinta duobus ple-  
bis collegiis ad Senatum Civitatis transfudit, moderante  
Principe, ut ex viginti duobus à se, vel Concilio suo nomina-  
tis, Senatus Civitatis unum Consulem, & ex totidem qui  
à Commissariis nominarentur, alterum eligeret; Ob quam  
electionis formam Consules, Jurati, & Concilium Civi-  
tatis 20. Septembris 1649. Principi grates habuère. Neque  
populus jus ademptum à Principe qui anno 1603. id con-  
cesserat, questus est, nisi inani rumore, & Consulares  
aliique, largitionibus ac precibus sordidis exsoluti transla-  
ta à plebe Comitibus beneficio imputare debuerunt. Consu-  
lum etiam ac Iuratorum judicandi munus, Scabinis Leo-  
diensibus, & Triginta-duumvirum, Concilio Ordinario  
Principis & Episcopi Leodiensis à Principe transcriptum.  
Ut qui non Judicum more judicia, sed factiones exercue-  
rant, jurisdictionemque Civitate & Pomærio certis per-  
sonis atque causis arctatam, suprà Principis jurisdic-  
tionem, & hâc tam in Ecclesiasticis quàm temporalibus  
calcatâ extulerant, & in omnes totius Provinciæ subditos,  
imò

indò & in ipsum Comitem de Lamboy, non solum gente Lof-  
sensum, & à Consulum ac Jaratorum jurisdictione mani-  
feste exemptum, sed Cæsaris exercitus Archistrategum, &  
in expeditione agentem, adedòque in D. vander Burch Poten-  
tissimorum Belgii Ordinum Leodii Residentem, ac cum  
Legationi & Tractatui pacis Regem Catholicum inter  
& Fœderatos Belgii Ordines Monasterii à secretis, inten-  
tum, & in omnes à Principe, & Ordinibus Patriæ Depu-  
tatos Judices extrà potestatem exercuerant, suâ exci-  
derent. Publico inde Edicto Princeps 5. Octobris præteri-  
torum veniam, cædibus & rapinis exceptis, omnibus  
indulgit, & ne, dum judiciis & actionibus, in id quod  
cujusque his turbis contra jus & fas non vexatum fuisse, in-  
tererat coram diversis Tribunalibus in auctores intentatis,  
pax & tranquillitas publica turbaretur, certos cum Ordini-  
bus Judices 24. Octobris nominavit, coram quibus intrà  
mensẽ proponendæ, ex æquo & remotâ apellatione  
terminarentur. Dum Princeps Electoreo modo novis con-  
stitutis legibus, & clementiæ exemplo, componendæ Ci-  
vitati & Reipublicæ vacat, Illustrissimus Fabius Chisius  
Sanctæ Sedis ad partes inferiores Germaniæ Nuntius Bul-  
lam Summi Pontificis hoc anno 24. Junii Evocationis Capi-  
tuli Cathedralis à Principe & Episcopo Leodiensi juxtà  
quasdam alias à, foelicis recordationis, Clemente Papâ sexto  
prædecessore emanatas litteras, confirmatoriam sub Sep-  
tembris exitum transmisit, a. D. Abondantio ab Imolâ San-  
cti Pauli Canonico feriâ tertiâ 5. Octobris in Ecclesiâ Cathe-  
drali solemniter publicatam. Quo accepto cum par esset,  
& eò mens ac votum Principis Electoris inclinaret, ut  
Maximilianus Henricus Princeps Coadjutor Colonienfis qui  
omnes Decani & Coadjutoris partes in restituendâ Leo-  
diensi Ecclesiâ, & Republicâ hætenus impleverat, jus &  
D 2 titulum



titulum assequeretur, Capitulum Cathedrale indictam in eum finem Electionem, 19. Octobris peregit, Maximilianumque Henricum Ducem Bavariae, Sancti Spiritus inspiratione in Coadjutorem Leodiensem sub beneplacito Sanctae Sedis elegit & publicavit, paucorum renitentium ludibrio, malevolam animi significationem cum vi Bullae Pontificiae ob contumaciam eligendi incapaces, aliterque facto praestare non possent, frustra recessu ante electionem testantium.

Rebus in hunc modum compositis, Princeps Elector relictâ Principi Coadjutori Ecclesiae & Reipublicae curâ, Rhenum versus discessit. Ac primum quidem né longior mora Gallis in occasionem agendi iterum repraesentari veniret, nam & minantes audiebantur, Aegidium Simonis Canonieum Cathedralem, & Claudium Hermannum de Milendonck Baronem de Pesche, in Galliam nomine Principis & Episcopi Leodiensis ablegavit, cum D. D. Fabert Sedani Praefecto, & d'Oigny Regis Christianissimi Delegatis, quaestionem per amicam transactionem & conferentiam, ut ajunt, terminaturos. Id enim etiam legatione suâ Baro de Wagnee à Rege obtinuerat, ut vetitâ tantisper militibus suis in Leodienses excursione, & inhibitis exactionibus, inter Regis & Principis Delegatos quaestio finiretur, quæ sesquimensis disceptatione decisa, à futuris Leodienses absoluit. Præteritorum quasi tempestate aut alluvione cecidisset (qui mos potentiorum est) omiſſâ ratione, Principem Coadjutorem huic divertendo turbini intentum alius adoritur, Dux Lotharingæ militi suo in hyberna discedenti iter per Hasbaniam solitâ aliorum Principum exercitibus libertate, amicè postulabat, interimque novem Legiones sub Barone de Clinchamps Provinciam Sabimofanam versus præmiserat, potissimam exercitus partem

tem Principis de Salms ductu, itineri per Hasbaniam desti-  
nans, nec quod petebatur negari poterat, nè arma tenen-  
ti omnia darentur, qui iusta sibi negata prætenderet. Cùm  
Provincia Leodiensis ut mediarum partium beneficio ho-  
stes non habet ità pertranseuntes arcere non potest. Rustici  
tamen nè excurrentibus, ut solet exercitu militibus, in præ-  
dam cederent, arma in sui tutelam sumpserant, transeunti  
exercitui aliàs impedimento non futuri. Sed inter milites, &  
rusticos utrinque armatos, orto in transitu dissidio, illis iter  
impeditum, his vim sibi illatam querentibus, concursu  
facto ducentis, & amplius ex rusticis cœsis, & ter mille  
aut circiter in Pago de Montenaken circumcinctis, & anno-  
næ penuriâ ad deditionem compulsis, lytro convento fa-  
tisfaciendi, & longioris in transitu morę, occasio & neces-  
sitas fuit. Quam nonnisi incolarum cæde, & clade expres-  
sam, voluntati Principis aut Ordinum imputare, eorum  
est, qui nullâ veri curâ calumniis in Patriæ perniciem stu-  
dent, & ejusmodi commentis, Principibus externis adre-  
pendo, pericula faceffunt. Vero propius est, in ipsam  
Civitatem & Provinciam Leodiensem invocatas Lotharin-  
gorum copias, ut ipse Dux Principi denuntiari jussit ab iis,  
qui post invocatam fustrâ aliorum Principum potentiam,  
communi malunt incendio quàm proprio de flagrare, &  
domesticis malis Patriæ excidium opponendo, privatam  
ruinam Reipublicæ malis operire statuunt. Interrupit hæc  
clades statutum in tributis exigendis ordinem, simulque  
illorum inopiâ egentem stipendiis, in Civitate Leodiensi  
militem, eaque flagitantem ferociorem, & plebi gravio-  
rem reddidit. Quibus placandis alio non suppetente, in præ-  
sens subsidio, compulsus Princeps, à civibus, plurimis in-  
ter eos reluctantibus, pecuniam corradi invitatus vidit. Quam  
etiam suo tempore ex tributis restituendam subsignatione



suâ & fide publicâ cavere non detrectavit. Continuata  
nunc Ordinum patriæ in subsequenter annum Comitia, his  
& imminentibus in isto concussi orbis statu majoribus ma-  
lis, in tempore occurrendi materiem præbent, quibus ut  
Deus intelligentem & consentientem in commune bonum  
mentem duit, & ut cum laude & bonis recordationibus  
principum suorum labores, facta, atque famam prosequan-  
tur, anni millesimi sexcentissimi quinquagesimi Kalendis,  
votum esto.

F I N I S.



